

等閒釣罷海中鰲一笑歸來祖晉陶花吐碧桃春正好笋抽翠
竹節還高心懷鳳闕龍鱗會身寓龜城馬足勞何必終南論捷
徑宦情於我似鴻毛

成都留題姜氏家

往往來來度有情葫蘆遊戲錦江城身藏大道無人識祇愛梅
枝插土生

卻聘吟

洪武十八年

流水行雲不自收朝廷何必苦徵求從今更要藏名姓山北山
南任我游

讀元故提舉楊廉夫先生集

道藏輯要

三丰全集 古今詩類

无 續畢集九

鐵崖吹鐵笛清韻滿崖中末世聲名大深山氣象空爲文超宇
宙守節老英雄惟有華亭月清高似此公

嘗作八遜篇並爲八讚志景仰也今錄其讚於此

嚴子陵光

昭昭嚴光謙謙光武帝曰子陵胡不相輔嚴曰陛下毋容相苦
歸釣富春一竿千古

然高卿真

矯矯法真千載幾人只聞其聲不見其身亦非釣譽亦非隱淪
孔曰求志孟曰天民

陶淵明潛